



*BULLA UNIONIS PERPETUÆ BENEFICII
Ecclesiastici Villa de Yecla, Carthaginensis Diœcesis, Collegio Ma-
jori Sanctæ Mariæ à JESU, Hispanensi Universitati, pro au-
gmento congruæ quinque Cathedrarum.*

15

BENEDICTVS EPISCOPVS
SERVVS SERVORVM DEI.



LECTO FILIO OFFICIA-
li Venerabilis fratris no-
stri Episcopi Carthaginensis
salutem, & Apostolicam
benedictionem : Dum at-
tentæ considerationis in-
dagine perscrutamur, quàm

pretiosa sit sapientiâ, meritò ad eâ, per quæ
nostræ provisionis auspiciis Collegia ad
eam docendam instituta congruis facultati-
bus pro eorum debita mantentione muni-
ri valeant, officii nostri partes utiliter con-
vertimus, prout in Domino conspicimus sa-
lubriter expedire. Sanè pro parte dilecti filii
nostri Ludovici, Tituli S. Priscæ, Sanctæ Ro-
mânæ Ecclesiæ Presbyteri Cardinalis, Bellu-
ga nûcupati, Nobis nuper exhibita expositio
continebat, quod in Civitate Hispanensi, quæ
una ex primariis Hispanorum Regnorum
Civitatibus existit, & in qua tempore San-
ctorum fratrum Leandri, & Isidori præfatæ
Civitatis Antistitum, eorumdemque studio,
& magisterio florescere ceperunt, magno
cum Ecclesiæ profectu scientiæ, quæ licet
longo temporis intervallo ob infelicem
Maurorum incursum siluerant, tempore ta-
men Catholicorum Regum Ferdinandi, &
Elisabethæ renovari cœperunt, id promo-
ventè illustri memoriæ Viro Roderico Fer-
nandez à Santaella, tunc dum viveret eor-
undem Catholicorum Regum à Confes-
sionibus, ac etiam tunc dum viveret Ar-
chiepiscopo Casaraugustano, Collegium,
quod Universitatis simul esset, in quo Philo-
sophia, Theologia, Sacri Canones ; Jus
Civile, ac aliæ facultates edoceri possent sub
invocatione Sanctæ Mariæ à Jesu fundatum
fuit, quod Collegium, & Universitatem fel-
icis recordationis Julius PP. II. Prædecessor
noster, nedum approbavit, verum & iisdem
privilegiis, & gratiis, quibus Universitas
studii generalis Salmaticensis utitur, fruitur,
potitur, & gaudet, concederavit, ac iidem
Catholici Reges ad preces Senatû ejusdem

Civitatis Hispanensis dictum Collegium, cui
Universitas dictæ Civitatis est annexa, sub
unius Rectoris curâ moderandum, tam-
quam Studium generale in suis Regnis fore
semper habendum, declararunt, & præcipuis
honoribus, & præminentis illustrarunt,
quòd & eorum in Regnis Hispaniarum hu-
jusmodi Successores singulis temporibus fe-
cerunt, & Collegium hujusmodi titulo ma-
joris decorarunt, & in eo Personæ, ac Viri
nobilitate generis, singularique doctrina, vel
in Theologia, vel in Sacris Canonibus præ-
diti, semper recepti fuerunt ; & recipiuntur,
ac pergrandem dictæ Universitatis partem
constituunt, in quo dictus Ludovicus Car-
dinalis Collegialis exiit, & in dicta Uni-
versitate Doctorali Laurea insignitus fuit,
quodque propterea idem Ludovicus Car-
dinalis peculiari benevolentia, gratique animi
obsequiis semper prosequutus fuit, & profes-
quitur. Verùm quia Universitas prædicta
ferè indotata remansit, & Collegium, quod
ex sua dotatione supplere expensas multas
tenetur, ad tantam reddituum, & pro-
ventuum diminutionem, injuria tempo-
rum devenit, tantisque necessitatibus, & an-
gustiis premitur, ut singularum facultatum
hujusmodi Lectoribus, fructuosique eorum
instituti prosecutioni, & exercitio, neque
competentem mercedem præstare, neque
alia congruæ subventionis auxilia submini-
strare potest, & exinde desiderati in hujus-
modi facultatum Studiis progressus conse-
qui nequeant, huic malo propterea dictus
Ludovicus Cardinalis opportunè prospice-
re cupiens, meditatus fuit attentius, & per-
pendit, quod si perpetuum simplex, & per-
sonalem residentiam non requirens Benefi-
cium Ecclesiasticum in Parochiali Ecclesia
Villæ de Yecla, Carthaginensis Diœcesis,
quod dilectus filius Antonius Alfarò Rubio,
Presbyter Conchensis, seu alterius Civita-
tis, vel Diœcesis ad præsens obtinet, ex nunc
pro tunc, postquam tamen illud ex Persona

dicti Antonii vacaverit, cum omnibus bonis, juribus, & pertinentiis suis, prævia illius tituli collatiæ suppressione, & extinctione, Collegio præfato perpetuo uniretur, annexeretur, & incorporaretur, ex hoc profectò, nedum in præfato Collegio, & Universitate doctissimorum, & in hujusmodi facultatibus exercitissimorum Virorum concursus, pro ipsis lectionibus habendis, major fieret, verùm etiam eorum opere, eruditione, & doctrina ibidem Scholastici, tamquam uberrimo divinarum, & optimarum scientiarum Theologiæ, & Sacrorum Canonum, aliarumque facultatum hujusmodi majori numero concurrerent, qui instrui, & edoceri, seque in illis exercere, ac tandem emeritos gradus, & honores consequi, necnon Republicæ decori, & ornamento, sibi que, & aliis utiles esse possent. Quare pro parte dicti Ludovici Cardinalis Nobis fuit humiliter supplicatum, quatenus feliciori Collegii præfati statui in præmissis opportunè providere, de benignitate Apostolica, dignaremur. Nos igitur, qui Collegiorum statum felicem, & manutentionem, ac progressum sinceris desideramus affectibus, eidem Ludovico Cardinali specialem gratiam facere volentes, ac quarumcumque aliarum similium, vel dissimilium, si quæ sint, unionum Collegio præfato hæcenus factarum tenores, etiam veriores, ac datas ejusdem Collegii fructuum, reddituum, & proventuum, veros annuos valores, quantitates, ac qualitates, præsentibus pro expressis, ac totaliter insertis habentes, hujusmodi supplicationibus inclinati: Discretioni tuæ per Apostolica scripta mandamus, quatenus, vocatis omnibus, qui fuerint evocandi, Beneficium præfatum, cujus, & illi forsitan annexorum, fructus, redditus, & proventus centum viginti, una verò cum incertis centum octoginta ducatorum auri de Camera, secundum communem æstimationem, valorum annuum, ut asseritur, non excedunt, cum primum illud per cessum, etiam ex causa permutationis, etiam in nostris, vel alterius Romani Pontificis Successoris nostri manibus, vel cessum, seu privationem, aut aliam dimissionem, vel amissionem, aut Religionis ingressum præfati Antonii, seu alias quovis modo, etiam apud Sedem Apostolicam, etiam in aliquo ex mensibus Nobis, & Successoribus nostris Romanis Pontificibus, pro tempore existentibus, Sedique præfata per quascumque Constitutiones Apostolicas, aut Cancellariæ Apostolicæ regulas editas, vel edendas, aut

aliàs quomodolibet reservatis, vel reservandis, seu ordinariis Collatoribus, etiam per Constitutiones, & regulas easdem, aut litteras alternatarum, vel alia privilegia, & indulta hæcenus concessa, & in posterum concedenda, aut aliàs quomodolibet competentibus, & competitoris, aut ex alterius cujuscumque persona, seu per liberam præfati Antonii, vel cujusvis alterius resignationem de illo in Romana Curia, vel extra eam, etiam coram Notario publico, & Testibus sponte factam, aut ascensionem alterius Beneficii Ecclesiastici, quavis auctoritate collati, vacare contigerit, etiam si actum nunc, ut præfertur, aut aliàs quovis modo vacet, etiam si tanto tempore vacaverit, quod ejus collatio, juxta Lateranensis statuta Concilii, ad Sedem Apostolicam legitime devoluta, ipsumque Beneficium dispositioni Apostolicæ specialiter, vel aliàs generaliter reservatum existat, & super eo inter aliquos lis, cujus statum præsentibus haberi volumus pro expresso, pendeat indecisa, dummodò ejus dispositio ad Nos hæc vice pertineat, cum annexis hujusmodi, ac omnibus juribus, & pertinentiis suis, prævia illius tituli collatiæ perpetua suppressione, & extinctione, Collegio præfato pro augmento congruæ eorum, qui Principaliores quinque Cathedras in dicta Universitate moderantur, & pro tempore moderaverint, & Theologiam, Sacrosque Canones edocent, & pro tempore edocerint, nimirum eorum, qui Primariam Cathedram Theologiæ, & aliam Sacræ Scripturæ in dicta Universitate in proprietate regunt, ac pro tempore regant, & qui primariam similiter Cathedram Sacrorum Canonum, & aliam, quæ vocatur, Vesperarum ejusdem facultatis obtinent, & pro tempore obtinuerint, & qui Cathedram Decreti habent, & pro tempore habuerint, cum hoc tamen onere, ut Proprietarii per se ipsos dictas quinque Cathedras regant, ita ut, si id non adimpleverint, seu sine iusta, & legitima causa, quæ à Rectore ipsius Collegii, & Consiliariis pro tempore existentibus, approbata semper debeat, per Substitutos velint hujusmodi Cathedras moderari, eam partem lucrari non possint, quam ex fructibus dicti Beneficii percipere debent, sed accrescenda tunc veniat reliquis Cathedralicis, dempta mercede pro Substituto ab eisdem Rectore, & Consiliariis assignanda, quibus incumbere privative debeat, una cum duobus Magistris, seu Doctoribus, qui duas Primarias Theologiæ, & Sacrorum Canonum Cathedras regant, Substitutum hujusmodi

jusmodi nominare, ita quod liceat ejusdem Collegii Rectori, & Consiliariis, nunc, & pro tempore existentibus, præfati Beneficii, ac annexorum eorundem, juriumque, & pertinentiarum præfatorum cujuscumque qualitatis, quantitatis, ac etiam annui valoris existentium, corporalem, realem, & actualem possessionem per se, vel alios eorum, & præfati Collegii nominibus propria autoritate liberè apprehendere, & apprehensam perpetuò retinere, fructus quoque, redditus, proventus, jura, obventiones, & emolumenta universa inde provenientia quæcumque percipere, exigere, levare, arrendare, locare, & dislocare, & in illorum, qui principaliores quinque Cathedras in dicta Universitate moderantur, usus, & utilitatem convertere, Dioecæsani loci, vel cujusvis alterius licentia desuper minimè requisita, supportari tamen per dicti Collegii Rectorem, Consiliariosque, ac duos Magistros, seu Doctores præfatos, qui duas primarias Theologiæ, & Sacrorum Canonum Cathedras regant, omnibus, & singulis dicti Beneficii oneribus, cujus redditus inter dictos quinque Magistros, seu Doctores, qui Cathedras moderantur, ita distribuere teneantur, ut omnibus, & singulis Beneficii hujusmodi fructibus, redditibus, & proventibus in duodecim partes divisiss, Tres cum dimidia Cathedram primariam Sacrorum Canonum, duæ cum dimidia Cathedram primariam Theologiæ, duæ cum dimidia Cathedram Decreti, duæ Cathedram dictorum Sacrorum Canonum, Vesperarum, nuncupatam, reliqua verò cum dimidia respectivè partes hujusmodi Cathedram Sacræ Scripturæ respectivè moderantibus Doctores respectivè assignentur, & distribuantur, ut hoc augmento gaudeant supra eam portionem, quam hodie fruuntur, quodque ita fiat, postquam expensæ in hac unione factæ, & usque ad vacationem dicti Beneficii faciendæ, cum redditibus, qui soluti forsitan fuerint, de quibus authenticè constet, solutæ plenè omnino sint, & non aliter dicti quinque Cathedralitici incipient dictas suas portiones lucrari, & sic ex nunc, prout ex tunc, & è contra, postquam dictum Beneficium vacaverit, ut præferatur, & sine alicujus præjudicio, Apostolica autoritate, eorundem tenore præsentium, perpetuò unias, annexas, & incorporationem. Nos enim si unionem, annexionem, & incorporationem hujusmodi per te, vigore eorundem præsentium, fieri

contigerit; ut præferatur, easdem præsentibus, nullo unquam tempore, de subreptionis, obreptionis, nullitatis, aut invaliditatis vitio, seu intentionis nostræ, alioque quopiam defectu, etiam quantumvis magno, inexcogitato, & substantiali, ac individuam mentionem requirente, à jure, vel facto, aut statuto, vel consuetudine aliqua resultantè, aut quocumque alio colore, prætextu, ratione, vel causa, etiam in corpore juris clausa, ac etiam quantumvis justa, rationabili, pia, privilegiata, & juridica, etiam tali, quæ ad effectum validitatis præmissorum necessariò exprimi deberet, notari, impugnari, annullari, invalidari, aut alias quomodolibet infringi, modificari, retractari, retardari, in controversiam revocari, seu ad viam, & terminos juris reduci, vel adversus illas restitutionis in integrum, aliudque quodcumque juris, vel facti, aut gratiæ, vel justitiæ remedium intentari, vel impetrari, aut etiam motu proprio, & ex certa scientia, etiam consistorialiter concessio, quempiam in judicio, vel extra illud uti, seu se juvare, aut eas etiam per quoscumque Romanos Pontifices Successores nostros, aut Sedem præfatam, aut ejus de Latere Legatos, vel Sedis præfate Nuncios revocari, suspendi, limitari, aut eis in aliquo derogari posse, minusque sub quibusvis similibus, vel dissimilibus gratiarum revocationibus, suspensionibus, limitationibus, aut aliis contrariis dispositionibus, seu Cancellariæ præfate regulis, aut Constitutionibus Apostolicis, etiam unionum, effectum non sortitarum revocatoris, etiam per Nos, & Prædecessores nostros, & quoscumque Romanos Pontifices Successores nostros, etiam in crastinum assumptionis cujuslibet illorum ad Summi Apostolatus apicem sub quibuscumque verborum formis, & expressionibus, ac cum quibusvis clausulis, & Decretis pro tempore quomodolibet factis, & emanatis, ac faciendis, & emanandis comprehendi ulatenus posse, aut debere, sed semper, & perpetuò ab illis excipi, & quoties illæ emanabunt, toties in pristinum, & validissimum, & cum in quo antea quomodolibet erant, statum, restituras, repositas, & plenariè reintegratas, ac de novo, etiam sub quavis posteriori data, per dicti Collegii Rectorem, nunc, & pro tempore existentem, quandocumque eligenda, concessas semper perpetuò validas, & efficaces esse, & fore, & suos plenarios,

rios, & integros effectus sortiri, & obtinere, sicque, & non aliter, per quoscumque Iudices Ordinarios, vel delegatos, quavis autoritate fungentes, etiam causarum Palatii Apostolici Auditores, prefatæ Sanctæ Romanæ Ecclesiæ Cardinales, etiam de Latere, Legatos, Vicelegatos, dictæque Sedis Nuncios; in quocumque iudicio, & quavis instantia iudicari, & definituri debere; & quidquid secus super his à quoquam, quavis autoritate, scienter, vel ignoranter contigerit attentari, irritum, & inane decernimus, non obstantibus una, per quam dudum inter alia voluimus, & ordinavimus, quod petentes Beneficia Ecclesiastica aliis uniri, teneantur exprimere verum annum valorem, secundum communem estimationem, tam Beneficii uniendo, quam illius, cui uniri petitur, alioquin unio non valeat, & altera Cancellariæ prefatæ regulis, per quam decrevimus, & declaravimus nostræ intentionis fore, quod deinceps per quamcumque signaturam, seu concessionem, aut gratiam, vel Litteras Apostolicas pro amissionibus mandatis, aut declarationibus in quibusvis causis, etiam si motu proprio, & ex certa scientia, ac etiam ante moram licet à Nobis emanaverint, vel de mandato nostro faciendas, nulli jus sibi quæsitum quomodolibet tollatur, nec non Lateranensis, & aliorum, etiam Generalium, & ultimo celebratorum Conciliorum, uniones perpetuas, nisi in casibus à jure permixtis, fieri prohibentium, etiam Concilii Tridentini prohibentis unionem fieri ex Beneficii Ecclesiarum unius Diocesis favore pii operis aliarum

Diocesium, & quibusvis aliis Apostolicis, etiam in Synodalibus, Provincialibus, Universalibusque Conciliis editis, vel edendis, specialibus, vel generalibus Constitutionibus, & Ordinationibus Apostolicis, quibus omnibus, & singulis, etiam si pro sufficienti illorum derogatione, de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, aut quævis alia expressio habenda, seu quælibet alia exquisita forma ad hoc servanda foret, illorum omnium, & singulorum tenores, ac si de verbo ad verbum nihil penitus omisso, & forma in illis tradita observata, inserti forent, presentibus etiam pro expressis habentes, illis alias in suo robore permanfuris, hac vice duraxat, latissimè, & plenissimè, ac specialiter, & expressè, harum serie derogamus, cæterisque contrariis quibuscumque. Volumus autem, quod dictus Antonius in præjudicium dictæ unionis Beneficium prefatum resignare, etiam ex causa permutationis, vel dimittere, seu juri sibi in illo, vel ad illud quomodolibet competentem, cedere tam simpliciter, quam ad cuiuscumque personæ favorem, non possit, & quatenus resignet, aut dimittat, seu cedat, talis resignatio, seu dimissio, aut cessio in dicti Collegii, & non alterius favorem cedat, & eo ipso facta censeatur. Datum Romæ apud Sanctum Petrum Anno Incarnationis Dominicæ millesimo septingentesimo vigesimo septimo. Nono Kalendas Augusti, Pontificatus nostri anno quarto.

L A V S D E O .